

Na osnovu člana 143. Zakona o srednjem obrazovanju ("Sl.novine Kantona Sarajevo" broj:23/17), članom 7. Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo" br: 51/16), te u vezi sa članom 14. **Instrukcije za donošenje pravilnika o kriterijima za sticanje i raspodjelu vlastitih prihoda budžetskih korisnika – predškolskih ustanova, osnovnih i srednjih škola i domova učenika** (broj:11-01-14-32424/17 od 02.11.2017.godine), Školski odbor na sjednici održanoj dana 30.11.2017.godine donosi:

**P R A V I L N I K**  
**O KRITERIJIMA ZA STICANJE I RASPODJELI VLASTITIH PRIHODA**  
**JU TREĆA GIMNAZIJA SARAJEVO**

**I - OPĆE ODREDBE**

**Član 1.**  
**(Predmet Pravilnika)**

(1) Ovim Pravilnikom u skladu sa Uredbom o utvrđivanju vlastitih prihoda, načinu i rokovima raspodjele ("Službene novine Kantona Sarajevo" br: 51/16) i u skladu sa Instrukcijom za donošenje pravilnika o kriterijima za sticanje i raspodjelu vlastitih prihoda budžetskih korisnika – predškolskih ustanova, osnovnih i srednjih škola i domova učenika (broj:11-01-14-32424/17 od 02.11.2017.godine), utvrđuju se vrste, osnov sticanja, visina naknade i raspodjela vlastitih prihoda u JU Treća gimnazija Sarajevo (u daljem tekstu: Škola).

**Član 2.**  
**(Vlastiti prihodi)**

(1) Vlastiti prihodi koje ostvari Škola su javni prihodi Budžeta Kantona Sarajevo, a raspoređuju se u skladu sa ovim Pravilnikom.

**Član 3.**  
**(Ostvarenje vlastitih prihoda)**

(1) Pod vlastitim prihodima podrazumijevaju se prihodi koje Škola ostvari obavljanjem osnovne djelatnosti i ostalih poslova na tržištu.

(2) Pod vlastitim prihodima ne podrazumijevaju se prihodi koje Škola ostvari obavljajući osnovnu djelatnost propisanu zakonom ili drugim propisima o osnivanju, za koju je propisima utvrđena visina naknade za usluge koje pruža pravnim ili fizičkim licima, kao ni prihodi ostvareni u internom poslovanju između budžetskih korisnika na istom nivou vlasti.

**Član 4.**  
**(Uplata i evidentiranje)**

(1) Prihodi iz člana 3. stav 1. ovog Pravilnika uplaćuju se na depozitni račun Budžeta Kantona Sarajevo (u daljem tekstu: depozitni račun), a mogu se naplaćivati i u gotovini.

(2) Škola je dužna vlastite prihode ostvarene u gotovini uplatiti na depozitni račun i to najkasnije narednog radnog dana od dana naplate istih, a naplaćena gotovina se ne može koristiti za izmirenje tekućih obaveza.

## **II - STICANJE VLASTITIH PRIHODA**

### **Član 5.**

#### **(Osnove za sticanje vlastitih prihoda)**

- (1) Budžetski korisnici stiču vlastite prihode po osnovu:
- a) Organizacije i realizacije pripremne i instruktivne nastave,
  - b) izdavanje prepisa / duplikata dokumenata,
  - c) participacija u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.),
  - d) izdavanje prostora u zakup,
  - e) reklamno-propagandnih usluga,
  - f) realizacija pedagoško-metodičke prakse studenata (hospitovanje),
  - g) prodaja otpadnog materijala,
  - h) ustupanje tenderske dokumentacije u postupku javnih nabavki,
  - i) kopiranje i uvezivanje pisanog materijala.

### **Član 6.**

#### **(Naknada za realizaciju usluga)**

- (1) Naknada za realizaciju usluga iz člana 5. utvrđuje se kako slijedi:
- a) Instruktivna nastava za grupu od 10 i više kandidata (po času)..... 4 KM
  - b) Instruktivna nastava za grupu do 10 kandidata (po času)..... 8 KM
  - c) Izdavanje prepisa/duplikata dokumenata:
    - Izdavanje prepisa/duplikata svjedodžbe/diplome..... 20 KM
    - Izdavanje Izvoda iz nastavnog plana I programa..... 60 KM
  - d) Participacija u troškovima školovanja: u skladu sa Instrukcijom kojom se definiše visina participacije u troškovima školovanja za učenike srednjih škola kao Javnih ustanova na području Kantona Sarajevo, koju donosi Ministar za obrazovanje, nauku i mlade Kantona Sarajevo.
  - e) Izdavanje prostora u zakup: izdavanje prostora u zakup, kao i visinu naknade za zakupninu utvrđuje Školski odbor škole, a u skladu sa zakonom i podzakonskim aktima kojima se reguliš izdavanje poslovnih zgrada i prostorija.

### **Član 7.**

#### **(Visina naknada za realizaciju ostalih usluga)**

- (1) Visina naknada za usluge koje realizuje Škola, a koje nisu obuhvaćene članom 6. ovog Pravilnika utvrđuje Školski odbor.

### III - RASPODJELA VLASTITIH PRIHODA

#### Član 8.

##### (Raspodjela stečenih vlastitih prihoda)

(1) Ostvareni vlastiti prihod u cijelosti se raspoređuje Školi koja je i ostvarila prihod.

#### Član 9.

##### (Način raspodjele vlastitih prihoda)

**(1) Prihodi iz člana 5. tačka a) ovog Pravilnika raspoređuju se na sljedeći način:**

**a) 15,00 KM naknade za jedan čas nastavniku koji izvodi pripremnu i instruktivnu nastavu,**

**b) ostatak prihoda dijeli se na sljedeći način:**

1. 20 % za naknade ostalim uposlenicima izvan nastave koji sudjeluju u realizaciji poslova;
2. 40 % za materijalne troškove, tekuće održavanje i nabavku opreme,
3. 40 % za stručno usavršavanje sportske i kulturne aktivnosti, takmičenja, nagrade učenicima i ostale namjene.

**(2) Prihodi iz člana 5. tačka b) – Izdavanje prepisa/duplikata dokumenata i izvoda iz nastavnog plana i programa - ovog Pravilnika raspoređuju se na sljedeći način:**

- a) 40 % za materijalne troškove, tekuće održavanje i nabavku opreme,
- b) 30 % za naknadu radnicima koji su sudjelovali u realizaciji poslova, i to:
  - izvršiocu poslova koji priprema dokument/izvod - sekretar– 50% po dokumentu/izvodu
  - izvršiocu poslova koji provjerava, sravnjava i ovjerava dokument/izvod- , direktor - 50% po dokumentu/izvodu
- c) 30 % za stručno usavršavanje sportske i kulturne aktivnosti, takmičenja, nagrade učenicima i ostale namjene.

**(3) Prihodi iz člana 5. tačka c) ovog Pravilnika - Participacija u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.) raspoređuju se u skladu sa Instrukcijom kojom se definiše visina participacije u troškovima školovanja za učenike srednjih škola kao javnih ustanova na području Kantona Sarajevo koju donosi Ministar za obrazovanje, nauku i mlade Kantona Sarajevo.**

**(4) Prihodi iz člana 5. tačka d) – Izdavanje prostora u zakup - ovog Pravilnika raspoređuju se na sljedeći način:**

- a) 70 % za materijalne troškove, tekuće održavanje i nabavku opreme,
- b) 30 % za stručno usavršavanje sportske i kulturne aktivnosti, takmičenja, nagrade učenicima,ekskurzije i ostale namjene.

**(5) Prihodi iz člana 5. tačka e) – Reklamno-propagandne usluge- ovog Pravilnika raspoređuju se na sljedeći način:**

- a)70 % za materijalne troškove, tekuće održavanje i nabavku opreme,

b)30 % za stručno usavršavanje sportske i kulturne aktivnosti, takmičenja, nagrade učenicima, ekskurzije i ostale namjene.

**(6) Prihodi iz člana 5. tačka f) – Realizacija pedagoško-metodičke prakse studenata (hospitovanje)- ovog Pravilnika raspoređuju se na slijedeći način:**

- a) 15% za materijalne troškove, tekuće održavanje i nabavku opreme,
- b) 70% za naknadu radnicima koji učestvuju u realizaciji pedagoško-metodičke prakse studenata (hospitovanje),
- c) 15% za stručno usavršavanje sportske i kulturne aktivnosti, takmičenja, nagrade učenicima, ekskurzije i ostale namjene.

**(7) Prihodi iz člana 5. tačka i g) Prodaja otpadnog materijala- ovog Pravilnika raspoređuju se na slijedeći način:**

- a) 20 % za materijalne troškove, tekuće održavanje i nabavku opreme,
- b) 80 % za stručno usavršavanje sportske i kulturne aktivnosti, takmičenja, nagrade učenicima, ekskurzije i ostale namjene.

**(8) Prihodi iz člana 5. tačka h) Ustupanje tenderske dokumentacije u postupku javnih nabavki - ovog Pravilnika raspoređuju se na slijedeći način:**

- a) 70 % za materijalne troškove, tekuće održavanje i nabavku opreme,
- b) 30 % za stručno usavršavanje sportske i kulturne aktivnosti, takmičenja, nagrade učenicima, ekskurzije i ostale namjene.

**(9) Prihodi iz člana 5. tačka i) – kopiranje i uvezivanje pisanog materijala - ovog Pravilnika raspoređuju se na slijedeći način:**

- a) 70 % za materijalne troškove, tekuće održavanje i nabavku opreme,
- b) 30 % za stručno usavršavanje sportske i kulturne aktivnosti, takmičenja, nagrade učenicima, ekskurzije i ostale namjene.

#### **Član 10.**

##### **(Korišćenje vlastitih prihoda za place)**

(1) Škola vlastite prihode koristi za place i naknade radnicima u slučaju da stiče sredstva po osnovu tačaka a) i b) iz člana 5. ovog Pravilnika

(2) U drugim slučajevima Škola prihode za place koristi samo u izuzetnim slučajevima uz saglasnost Ministarstva za obrazovanje, nauku i mlade.

#### **IV PRAĆENJE NAPLATE I RASPOREĐIVANJE VLASTITIH PRIHODA**

#### **Član 11.**

##### **(Praćenje naplate i raspoređivanje vlastitih prihoda)**

(1) Škola je dužna da redovno prati, putem Izvještaja koje dobije od Ministarstva finansija, dospelost i naplatu vlastitih prihoda.

(2) Škola je odgovorna za potpuno i pravovremeno uplaćivanje vlastitih prihoda na depozitni račun.

(3) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršenja Budžeta.

## V - KONTROLA UTROŠKA VLASTITIH PRIHODA

### Član 12. (Izveštaj o utrošku)

(1) Škola, najmanje jedanput u šest mjeseci Ministarstvu za obrazovanje, nauku i mlade dostavljaju Izveštaj o sticanju i utrošku vlastitih sredstava.

## VI - ZAVRŠNE ODREDBE

### Član 13. (Stupanje na snagu)

(1) Ovaj Pravilnik stupa na snagu danom donošenja, a primjenjuje se nakon pribavljenog mišljenja Ministarstva finansija Kantona Sarajevo i dobivene saglasnosti na isti od Ministarstva za obrazovanje, nauku i mlade Kantona Sarajevo.

(2) Stupanjem na snagu ovog Pravilnika prestaju da važe Pravilnik o utvrđivanju vlastitih prihoda, načinu i rokovima raspodjele broj: 94/11 od 08.12.2011.godine.

Broj: 01-1-1004-A/17  
Dana, 30.11.2017.godine

Predsjednika Školskog odbora:

\_\_\_\_\_  
mr.sci.Suad Zuko

Ministarstvo za obrazovanje, nauku i mlade Kantona Sarajevo je aktom broj:  
\_\_\_\_\_ od \_\_\_\_\_ dalo saglasnost (broj: \_\_\_\_\_  
od \_\_\_\_\_) na Pravilnik o o kriterijima za sticanje i raspodjeli vlastitih prihoda  
JU Treća gimnazija Sarajevo.

Predsjednik Školskog odbora:

\_\_\_\_\_  
mr.sci. Suad Zuko